



UNIVERSITÄTS-
BIBLIOTHEK
PADERBORN

Universitätsbibliothek Paderborn

Bona Volvntas Optimæ Consentiens. Seu De Sequendo In Omnibus Ductu Providentiæ Diviniæ

Foullon, Jean E.

Leodii, 1657

V. Ex historiis Ecclesiasticis.

[urn:nbn:de:hbz:466:1-54992](https://nbn-resolving.org/urn:nbn:de:hbz:466:1-54992)

non casu Hestheris pulcritudo Assuero placuit: non casu facies Nehemiæ Artaxerxi subtristis visa est: non casu hirundines nidulabantur, ubi obdormiit Tobias: non casu junior Tobias pedes lavavit in Tigri, & piscem exhorruit: non casu Jonam ventus & cetus excepere.

V.
*Ex historiis
 Ecclesiasticis.* Fortè Ravennam venerat Vitalis miles, cum Paullino iudice. Ibi comprehensum Christiana religionis causa Ursicinum medicum, inter tormenta paullulum vacillantem conspicatus: Tu verò, inquit, medice Ursicine, qui alios curas, cave te met eneces. Exceptæ ab adstantibus voces Christianum prodidere, & Martyri comitem addidere. Fortè id factum dicimus: factum tamen ex alto divinæ mentis consilio, Martyrem sibi tam fortuita occasione præparantis. Captivi quidam in carceres eisdem, quos Apostoli, detruduntur, aliis omninò de causis: illi ob crimina, isti ob virtutem. Quid magis improvisum hominibus? Quid magis Deo provisum, qui sic libertati filiorum suorum, per Apostolorum

lorum verba & sacri Fontis lavacrum, captivos præparabat? In Onesimo id spectari vult Paullus: in Proceſſo & Martignano Petrus idem fecit. Quotidianum fuiſſe Martyribus teſtatur Tertullianus: *Domus, inquit, diaboli eſt carcer, ubi familiam ſuam continet: ſed vos idcirco in carcerem perveniſtis, ut eum in domo ſua conculcetis.*

VI. *Auguſtinus libro 3. contra Cre-*
D. Auguſtini *narratio ea de* *re.* *ſconium Grammaticum cap. 43.*
 narrat: Maximinianum, Catholicum Episcopum Bagajæ in Africa, à Circumcellionibus hæreticis læſum letaliter in inguine. Cùm inde ſanguis totus efflueret, trahereturque membris ex ea parte nudis, *pulvis exundantes venas latenter obſtruxit.* Deinde præceps de excelsa turri datus noctu, ſubter cinerem ſtercoris molliter jacebat. Venit illuc pauper, exonerandi ventris cauſſa: vidit hominem, domum tulit, poſtea curatus eſt. Vivit: plures in ejus corpore cicatrices, quàm membra, numerantur. Non vereor, ne minuta nimis & vilia referre videar, quæ D. Auguſtino viſa